

**ARTEA.** Bi museoetako elkarteetako kideek beherapena izango dute museo batera zein bestera joatean



LUIS TEJIDO / EFE

## Gasteizko Artiumek eta Bilboko Arte Eder museoak akordioa sinatu dute

Gasteizko Artium museoeko zuzendari Javier Gonzalez de Durana eta Bilboko Arte Eder museoeko zuzendari Javier Viarrek atzo sinatu zuten akordioari esker, bi museoetako elkartekideek hainbat onura izango dituzte hemendik aurrera. Artiumeko kide

asoziatuek beherapena izango dute Arte Eder museora joatean. Berdin gertatuko zaie Arte Eder museoeko lagunen elkarteko kideei Artiumen. Hitzarmen horrekin erakusketetara jende gehiago joatea lortu nahi dute sinatzaileek; aldi berean, artearekiko

zaletasuna bultzatu nahi dute, laguntzen dietenei «pribilegio txikiak» eskainiz. Etor-kizunean ere antzeko akordioak gauzatzea litekeena dela azaldu zuten bi museoetako zuzendariak. Argazkian, Viar eta Gonzalez de Durana, akordioa sinatu ostean.

**ZINEMA.** Anouk Aimee, Wilhelm Murnau eta Yasujiro Ozu omenduko ditu 53. ekitaldiak

## Kalitatea, ikuskizuna eta 'glamour'-a agindu ditu Berlinaleko zuzendariak

Hogeita bi film lehiatuko dira otsailaren 6tik 16ra bitartean, Urrezko Hartzaren bila

Agentziak. | **BERLIN**

Hirurehun film —horietatik 22 sail ofizialeko lehiaketan— izango dira ikusgai datorren otsailaren 6tik 16ra bitartean Berlingo zinema jaialdian. Dieter Kosslick Berlinaleko zuzendariak kalitatea, ikuskizuna eta *glamour*-a neurri berean agindu ditu. Rob Marshallen *Chicago*-k irekiko du jaialdia, eta Martin Scorsese-ren *Gangs of New York*-ek itxiko. Aipatutako bi filmak lehiaketaz kanpo aurkeztuko dira.

Atzo aurkeztutako 53. ekitaldian, Yasujiro Ozu zuzendari japoniarra omenduko dute, haren jaiotzaren mendeurrenean. Ozurekin batera omenaldia jasoko dute Anouk Aimee akto-

reak eta Wilhelm Murnau zuzendariak.

Sail ofizialean lehiatuko diren filmen artean daude 2001ean Urrezko eta Zilarrezko Hartzak eskuratu zituzten Patrice Chereau eta Steven Soderbergh zuzendarien lan berriak: *Son frere* eta *Solaris*, hurrenez hurren.

AEBetako zinematik pisu handia izango du. Besteak beste, George Clooney (*Confessions of a dangerous mind*) eta Spike Jonzeren (*Adaptation*) lanak aurkeztuko dituzte. Halaber, Isabel Coixet katalanak zuzendutako *My life without me* ekoizpen estatubatuarra izan da zerrendara gehitzen azkena.

Urte askoren ostean zinemaldira itzuliko dira Spike Lee eta Claude Chabrol. Estatubatua-

### SAIL OFIZIALA

- 'Ying Xiong' (Zhang Yimou)
- 'Son frere' (Patrice Chereau)
- 'Solaris' (Steven Soderbergh)
- 'The 25th hours' (Spike Lee)
- 'La fleur du mal' (Claude Chabrol)
- 'My life without me' (Isabel Coixet)
- 'Der alte affe angst' (Oskar Roehler)
- 'Good bye Lenin' (Wolfgang Becker)
- 'In this world' (Michael Winterbottom)
- 'The hours' (Stephen Daldry)
- 'Adaptation' (Spike Jonze)
- 'The life of David Gale' (Alan Parker)
- 'Confessions of a...' (George Clooney)
- 'Io non ho paura' (Gabriele Salvatores)
- 'Petites coupures' (Pascal Bonitzer)
- 'Lichter' (Hans Christian Schmid)
- 'Je zuster, nee zuster' (Pieter Kramer)
- 'Rezervni deli' (Damjan Kozole)
- 'Mang Jing' (Li Yang)
- 'Tasogare seibei' (Yoji Yamada)
- 'Madame Brouette' (Moussa Sene Absa)
- 'Alexandra's project' (Rolf de Heer)
- 'Chicago' (Rob Marshall) \*
- 'Gangs of New York' (M. Scorsese) \*

\* Lehiaketatik kanpo

rrak Zilarrezko Hartza irabazi zuen 1993an (*Malcolm X*), eta orain berriro sail ofizialean parte hartuko du *The 25th hours*-ekin. Chabrolek ez du orain arte saririk lortu Berlinen, baina sarritan parte hartu du Berlinalean.

Alemaniko filmak hiru izango dira: *Der alte affe angst* (Oskar Roehler), *Good bye Lenin* (Wolfgang Becker) eta *Lichter* (Hans Christian Schmid). Michael Winterbottomek *In the world* aurkeztuko du. Ingelesak bigarren aldiz jarraian parte hartuko du sail ofizialean.

Asiako zinemagintzak hiru lan aurkeztuko ditu: Zhang Yimou ospetsuaren *Ying Xiong*, Li Yang txinatarren *Mang Jing* eta Yoji Yamada japoniarren *Tasogare seibei*. Esloveniatik *Rezervni deli* (Damjan Kozole) aurkeztuko da, Senegaldik *Madame Brouette* (Moussa Sene Absa) eta Australiatik *Alexandra's Project* (Rolf de Heer).

### LAGURAEAN

#### LITERATURA

#### Mario Halley Mora idazle paraguaiarra hil zen atzo, bihotzekoak jota

Paraguaiko narratiba eta dramaturgia landu zuen Mario Halley idazle garrantzitsuak, eta atzo hil zen, bihotzekoak jota. 76 urteko idazleak giltzurrunetako gaixotasun bat zuen azken urteetan. Paraguaiko nobela hiritarraren sortzaileztat hartzen dute Mora; krisi sozial, politiko eta etikoak zigortutako hiri bat agertzen zuen. *La quema de Judas*, *Memoria adentro* eta *Amor de invierno* dira bere obretako batzuk.

#### Gaur erabaki eta bihar banatuko dituzte XI. Edebe literatura sariak

Ume eta gazte literaturaren XI. Edebe sarien irabazleak gaur erabakiko dituzte, eta bihar banatuko dituzte sariak, Bartzelonan. 178 obraren artean hautatuko dituzte; gazteen sailean 65 aurkeztu dira, eta umeenean 113. 30.000 eta 25.000 euro jasoko dituzte, hurrenez hurren, irabazleek. Lan guztietatik 125 gaztelaniaz zeuden, 37 katalanez, 12 galizieraz eta lau euskaraz. Hego Amerikatik 15 obra jaso dituzte.

#### Hasier Etxeberria bere azken liburuz ariko da bihar Iruñeko Erraldoien Txokoan

*Bost idazle berbetan* liburua hizpide hartuta solasaldia eskainiko du bihar Hasier Etxeberria idazle eta kazetariak Iruñeko Erraldoien Txokoan iluntzeko 20:00etan. *Bost idazle, elkarrizketa bat Atxaga, Izagirre, Lertxundi, Saizarbitoria eta Sarrionandiarekin* da Nafar Ateneoak antolatu duen hitzaldiaren izenburua. Bertan, bere azken liburuz eta, oro har, literaturaz ariko da elgoibartarra.

#### DANTZA

#### Gipuzkoako Gazteen Aurreku Txapelketako saioa egingo dute igandean, Ordizian

Aurtengo Gipuzkoako Gazteen Aurreku Txapelketako saioa egingo dute igandean, Ordizian Herri Antzokian. 36 dantzari aurkeztu dira txapelketara, eta lau saio egingo dituzte; puntu gehien lortzen dituzten hamabi dantzariak Erretereriako finalera pasatuko dira. Bi mailatan banatuko dira: 7 eta 10 urte bitarteko dantzariak eta 11 eta 15 urte artekoak.